

քերէն քղանձքին կասուի, ուրեմն Վերեթէքի նշանա-
կութիւնը վերին քղանձք կը լինի:

4. ԳՈՄՔ ԿԱՄ ԳՈՄՂՔ.—Գիւղս Գիւ-աւանայ
ջրի աջ ափի վերայ. Կան-սպիէն (սպիտակ աղբիւր) $\frac{5}{4}$
ժամ ի հարաւ ունի 30 տուն բնակիչ:

5. ՄԱՄՔ ԿԱՄ ՄԱՄՂՔ (մայրեր).—Գիւղս 1
ժամ արևելեան հարաւ Վերեթէքցոց, $\frac{5}{4}$ ժամ ի հա-
րաւ Գոմքայ, $\frac{5}{4}$ ժամ ի հիւսիս Տարապի կոչուած
գիւղին, որ դաշտիս հիւսիսային եզրը կայ և Մերկե-
զերի ի հարաւ վերջաւորութեան վերայ:

Գիւ-աւանայ ջուրն Մամըքայ արևելքէն անցնելով
և գիւղիս ներքէն խիստ խոր ձոր մի կազմած է, ձորի
երկու կողմերն թիք (սեպ) ժայռեր բարձրացած են
ձորի երկարութեան հետ բաւական տեղ, որ ունին
սպիտակ զոյն:

Գիւղս ջրի աջ ափի ժայռերու գլուխն հաստատ-
ուած է. այս ժայռերու կողին վերայ կը տեսնուի մի
այր, որ հեղեղներ բացած են բերանը մօտ ժամանակ-
ներս: Քրդեր այս անմերձենալի վայրս բարձրացած են
մի հնարքով՝ կարծելով թէ զանձ պիտի դռնեն, սա-
կայն ըստ պատմութեան քրդաց, գտած են իրարու
վերայ կուտուած ոսկերտաիք, որ 5,000 մարդու կը-
մակը կը հաշուեն:

6. ԿԱՆՍՊՈՒ.—Գիւղս կը գտնուի Սապունչիի
հարաւն և ջրէն $\frac{1}{2}$ ժամ յարևմուտս, մէկ ժամ ևս
յարևմուտս Գիւ-աւան գիւղէն:

7. ԴԻՒ-ԱՒԱՆ (երկու ջուր).—Սապունչուայ և
Ջէյթի ջրերն գիւղիս ստորոտն իրար կը խառնուին,
այս խառնուրդէ քիչ բարձր շինուած է գիւղս, որ է 1